

松陽郡賴氏族譜
(一)

賴
丰
岩

松陽賴氏族譜

族譜淵源久

古今名士多

永安市印刷厂 敬书

謹向

第三次修譜者：

惟澤先生和積鑫先生感謝、

致敬、並祝：

玉體安康。兒孫昌盛。

科甲聯登。經濟繁榮。

松陽修譜理事會敬啟

一九九一年辛未十一月吉旦

松阳郡赖氏族谱目录谱

顺序号	项 目 名 称	页 数
1	新旧谱序	一……………二十八
2	义 例	二十九……………三十二
3	族训十则	三十三……………三十四
4	训蒙五则寺	三十五……………四十二
5	历代人 文 纪	四十四……………五十五
6	自颖公以下历代人文仕宦纪	五十六……………五十七
7	忠演公系下人文纪	五十八……………六十
8	历代行实志	六十一……………六十九
9	演公系下现代人文纪	七十……………七十三
10	五代同堂	七十四……………
11	节孝引寺	七十五……………七十六
12	丧服总图	七十七……………

顺序号	项 目 名 称	页 数
13	本宗九族五服正服之图	七十八……………七十九
14	妻为夫族服图	八十……………八十一
15	妾为家长之图及外亲妻党服图	八十二……………
16	出嫁女为本宗降服之图	八十三……………
17	三父八母服图	八十四……………
18	松阳赖氏历代源流世系图	八十五……………一〇八
19	松阳郡开支第一代至第五代世系图	一〇九……………一一一
20	松阳郡开支第一至第五代世系传	一一二……………一二一
21	松阳郡思添公支第六代至十六代世系图	一二二……………一二五
22	思添公支第六代至十六代世系传	一二六……………一三六
23	思周公支第六至第七代世系图	一三六……………
24	思周公支第六代世系传	一三七……………
25	思周公支国熙公股第七代至十七代世系传	一三八……………一九五
26	思周公支国熙公股第七代至十七代世系图	一九六……………一九七
27	国选公支第七代世系图及传	一九七……………一九八

顺序号	项 目 名 称	页 数
28	士增公股第七代至十代世系图及传	一九九……………二〇〇
29	士兴公股第七至十四代世系图及传	二〇一……………二〇三
30	国选公支士坚公股第八代至十七代世系传	二〇四……………二八〇
31	国选公支士坚公股第八代至十七代世系图	二九〇……………二九三

峰溪三次重修谱序

天之茫茫，地之浩大，有日月星辰之精华，阴阳之配合，万物润而滋生，水有源，树有根，人岂可无宗也、有宗必有族、有族须有谱、始其知之、则所谓谱者、是纪宗功、述祖德、录人文、载仕宦、道生率、言葬娶、明世系、知亲疏也。吾峰溪始祖忠湏公至今积与德字辈当兴，数昔不过十五六代，正是四百年前同一家、祈族人本着这个精神、应抱人和族兴理想，虽中间有发展不平衡之房、应以强济弱、以多扶少，一族之内、同舟共济，叶茂花荣，玉树森阴，宗族繁荣。古书有云：「视人家若己家、则家与家不相乱」。爱人人相爱、户户相亲、敬老爱幼、以族为家、树立仁义道德文明礼貌之宗族。遵循遗训、饮水思源，鉴照前修之谱、迄今四十余载，新陈代谢，人世沧桑，不知坛加几许矣。适海外人士回国观光、修谱一事、经族侄惟泽提倡、族侄孙积鑫支持、並先后赠助巨款为资，族人闻之，无不乐矣，亦皆宗功德也。姓氏与祖宗来源，前二次谱序已载清楚、新谱山场，田地书香、蒸尝、祭仪、胙肉、及谱禁、谱训、谱论，吉礼、凶礼、祭论，三献礼仪节等，均不记载，必要时可参旧谱为评，特此告后。余等谨愿松阳之族、房房顶天立地与日月争辉、山河並寿。人人沿着社会发展前途，科学昌明大道奋勇前进。是以为序。

嗣

孙

家聪谨撰

峰溪 第二次 重修族谱新序

自古姓氏之由来。无非渊源于分封食采。世袭授赐。数说而已。吾赖之氏夷。考永定、清流、龙岩、各邑之谱。均载轩辕一十九代孙。武王封颖公于赖国。子孙以国为姓。此为得姓之渊源。本谱第一次创修。即系根据各邑而编纪之。虽代远年烟稽考为难。然历经各县先进之搜求。数十百年之考订。当决不至于。如蔡京之子孙。妄认他人之祖。以为祖。而自诬诬人耶。民国三十年夏。堂弟家蟠。适在南安县。任建设科科长。三年备稔该县赖姓。原出傅氏。爰有傅赖同宗之说。该谱载明。黄帝裔孙。大田食爵傅邑。遂以为氏。迨武王时。大封子姓。而傅说耳。孙颖公。受封于赖邑。以赖为姓。开傅赖异姓。同源之别。但查纲鉴轩辕。生元器。即少昊。元器生娇极。娇极生帝啻。帝啻生后稷。后稷生不窟。不窟生鞠。鞠生公刘。公刘生庆节。庆节生皇朴。皇朴生差费。差费生毁喻。毁喻生公非。公非生高圉。高圉生亚圉。亚圉生公叔祖。公叔祖生古公檀父。古公檀父生季历。季历生文王。文王生颖公。其中未见大田傅说。其人是南安所载。似亦未可据为确。论居今思古。其为大田傅说之赖乎。抑少昊文王之赖乎。而欲于世代绵远。文献无徵之余。而求先代本源。支派之区分。吾恐圣人复起。当亦不敢确为定论也。惟查自颖公而下。则南安、永安。各县谱载均符。虽止载本支。对于旁支外系。阙而不详。而源源本本。开卷了然。则谓启后人。木本水源之思

者。此谱也。至忠演公以下则我谱。前清光绪三十一年。已经修纂。无论正系旁支。传记图表均载。靡遗则谓。启后人亲亲睦族之思者。又此谱也。虽然我谱之修。迄今已三十七年矣。其中生卒葬娶。忠孝节义。支派之区分。人事之变迁。当又不知凡几。若不亟为重修。自今以往。吾恐世数愈远。族氏愈繁。稽查尤不容易。猷等有见及此。庚辰春所以亟亟。然不避艰难。不辞劳瘁。毅然以续修为己任。今幸各谱房稿。均已编齐。付诸梨枣爰。将本姓之由来。汇付篇首。俾后之人。朝稽而夕考之。溯典不忘其祖。益感发详。有自云是为序。

前任宁洋县知事 嗣孙宣于 家猷谨选

峰 溪 赖氏一 次 创修家谱旧序

族有谱。谱者原其本之。所自出而别其。末之所由。分以传诸后也。夫天下之族。由来久矣。今欲谱之。於世代绵邈图籍。废缺之餘。而求悉焉。是有妄认他人之祖。为己祖。以诟於人。以诟於己。而诬其祖者。其可乎哉。昔眉山苏氏效礼。大小宗为次。以谱其族。不谱其出於高阳。蔓延於天下。及唐长吏味道之。子孙留於眉者。而独谱其。高曾祖以降焉。示尊亲且传信也。今赖氏由唐入闽。历宋元明。族氏蕃衍。其来源远。其支派亦繁。莫论或出或处。其间人才。不可枚举。昭览斯谱则知。君之先人。实行所载。德业芳声。暨后裔开派。四方留传。居止者。举其一。可以绎思其十。知其名。因而考查其派。炳若日星虽远。

如上古莫不。可开卷而了然也。君之云仍。何幸哉。光绪三十年。余来视闽学之。二年有宁洋廩生传辉。以所修新谱。示余且是年生之合器家修。合侄家猷。同补弟子员。为门下生。拜谒之日。求为谱序。余维宁洋赖氏。自宋以及国朝历数百年世系綦详。人文辈出所纂宗谱並未剗阙。今盖族汲汲。创修以稽。先祖之传。非独子孙之盛。抑亦贤而文者起而任之。然则如吏所谓能通春秋。易传者宜在是是。则余所厚望也已。

大清光绪三十年甲辰岁瓜秋之吉

赐进士出身

诰授工部侍郎兼理钱法堂提督福建学政佩鹤

秦绶章序

松阳续修族谱序

客冬予在本省县长讲习会听讲。当时省政府主席陈公给先生训词有云。吾国所以衰弱。实由于民众对家庭宗族的观念太重。对社会国家的观念太轻。吾人应该教导民众。使家庭性扩大为社会性。宗族性扩大为国家性。移爱护家庭宗族的情感。来爱护国家。庶吾国势能转弱为强。云云然则。此次吾族续修族谱。予为作序。赞扬不将与。

主席陈公之意旨。大相逕庭乎。予曰不然。夫国者家庭之积也。民族者家族之大集团也。家族之于国家。犹细胞之于人身。欲身体健康。必须细胞强壮。欲国家兴盛。必须家族健全。族有谱则世世子孙。启而读之。将知环斯土而居者。在数百年前。固一家人也。亲爱之念。自必油然而生。将协助之不暇。又争兢之奚来。一家和则家齐。一族和则族兴。举国之族。和睦则已。达于精诚团结。国家治平之境。域又奚背。

主席陈公之意旨乎，后之读斯谱者。果能如予所期望，则是谱之续修。为不虚也。是为序
时

中华民国三十年八月

法国理科博士现任永春县长

嗣孙破荒氏

惟勋谨撰书

峰溪松阳第二次重修家谱序

从来事难于创。而亦贵于。因夏周。因于殷匕。因于夏周。监二代文斯郁郁不独天下。一国为然。即一家一族莫不皆然。故家之有谱。犹国之有史。粤稽周官。司民掌万民之数。党正族师闾胥掌。其党其族其闾之众寡。是即族谱之所由。仿乎吾族系出姬周。历秦汉唐宋。其先人之道德功业。罔不传诸史册。炳若日星。而世系之谱。未得其详。三十年前族兄玉光、星南等。曾倡修之。寻世系。溯源流。近稽远考。可稽者编之。不可稽者阙之。由是世系。明昭穆序。前型后烈。莫不开卷了然。由清而上溯之。而元而宋。而唐而汉秦；而姬周。世系之绵延。秩如也。由得公入闽。而递衍焉。则汀州、清流、宁化、永安、永定、里居之罗列灿然也。绳祖武。启孙谋。光前裕后者。孰大于是则。谓明先代千百年之统绪者。前次修谱之力也。启后人千百载之基础者。亦前次修谱之效也。吾等生古人后前人。既创于前尤贵。善因于后则庶乎。继继承承宗功祖德。不至失坠。无传也。此重修之举杰等今日所以认为急不容缓也。惟冀后之肖子贤孙。及时而继修之。勿失前人。杰等之厚望焉可。

嗣孙冠豪 传杰谨志

峰溪松阳第二次修谱新序

吾族之谱。先父等修之备矣。余又何修。但史不可一日废于朝。谱不可一日废于族。明尊卑序。昭穆者谱也。别亲疏。严纪纲者。亦此谱也。必也。及时而为之。及时而不为。则老成凋谢。询问莫由。市巷传闻。调查不易。肖子贤孙。虽欲续之。亦祇徒叹。奈何而已。是则续修之举。乌容缓哉。我族之谱。创修三十餘年。以其时考之。则可矣。况乙卯之变。火于林匪者。亦多续修。尤不容缓。譬之水也。源塞矣不亟浚之。则淤泥寝长矣。譬之田也。荒芜矣。不早耨之。则荆莽丛生矣。斯谱也及今而畏难不修。将见迟之。愈久愈失而愈难矣。顾余与弟宣于。展如叔。冠豪等再四思维。亟有以续之鸣乎。莫为之。前虽美不彰。莫为之。后虽善不传。此谱一续后之。子孙阅是谱。则尊卑昭穆亲疏。诸大端一开卷而灿然在目矣。即过三十年之后。起而再修。亦不至无所措手是亦。不无小补云。尔兹当付梓之日。合族父老。欣然色喜爱述。数语识诸简端以垂不朽。

中华民国三十年辛巳岁夏月之吉

嗣孙竹轩氏

家修谨撰

峰溪松阳第二次重修家谱序

吾族向未有谱。不过先人。手抄一二小册耳。其中源流、支派、正系、旁支、多阙而不详。自光绪三十一年间。先父星南。与族伯玉光。族兄献于、宣于等。始创。上溯数百代之源流。下开千百传之。统绪则谓。此谱之修其关系。岂仅志遗忘备参考。已哉虽然屈指。迄今又已三十餘载矣。不有以续修之。则前型先烈。不又迄今而失坠乎。其将何以对先人。而贻后嗣哉。同人忧之。爰於去冬开会重修。幸同事诸君。均皆努力。不日脱稿。兹当印刷开始之日。爰弁数语。以自最並以最后人焉。

中华民国三十年辛巳夏月之吉

嗣孙展如 家舒志

峰溪松阳第二次重修家谱序

国：家之有谱。犹国：之有吏也。则兴衰：理乱之由莫办。家无谱。则世系源流之别难稽斯。二者名义虽殊。而其关系。于家国则一也。我族自颖公得姓。支派蕃衍。蔓延于华夏。固已无从条分。而缕析矣。惟自我忠演公。卜地峰坑以来。历时三百餘载。绵延十餘世。尚幸前次创有成谱。原原本本开卷了然。然驹光荏苒。迄今已二十七载矣。新陈代

世。尚幸前次创有成谱。原原本本开卷了然。然驹光荏苒。迄今已二十七载矣。新隋代

谢。人世之沧桑。又不知增加几许矣。是以先人既创。于前后人尤宜及时续修。于后此续修之举。今日所以公认为急。不容缓也。犹有进者。当兹国势危险象环生之际。民族之振兴。端赖家族之团结。先哲有言。国肇于家。苟吾人能利用数千年国人收族睦。族之旧观念树成家族之基础。聚无数家族。即可结成一巨大强盛之中华民族。以之抗敌。何敌不推。以之建国。何国不成。爰是合族父老。决计续修。同心同德。分工合作。今幸半载稿成。而付梓矣。从兹凡我子孙。当念我伯叔兄弟。派虽有亲疏之别。源实同出一本。务宜相亲相爱。互相提携。互相振作。小则一族兴替之攸关。大则一国存亡之所系。则谓此谱之修也。岂仅区区为吾人。修先德垂后昆也。哉今值家谱重修。付梓之日。举族喜形于色。予不敏亦甚。愿随诸父兄之后。略撰数语以为族人勗是为序

嗣孙粹强

惟刚谨撰

峰溪松阳第一次纂修赖氏家谱序

赖君 玉光。余之忘年友也。年四十餘。为人潇落率真。尤长於论古。家於陶川。颇有青乌之癖。登山涉水心常以是为乐焉。予每顾而歎曰。惜乎堂堂一大器。而折为木屑竹头用也。玉光退而笑曰。吾年近半百。文章科第力难兼顾。今而后择。近而切於世者。行之可乎曰。可岁癸卯大开。

恩榜友人以赴闾相邀。迳由大陶晋省会。余心以 玉光久未观面。可以睹近来新得。且可乘

便。往甘乳岩一游也。欣然从之。越二日而至其地。则黄童白叟类。多有礼让之风。而玉光适与其族仲。星南等同修族谱。予拊其臂而谓之日。此即君所谓近而切於世者也。善哉善哉。未几展其卷。帙而循良节义。文学忠孝代有伟人。呜呼此非贵先人。善端流贻何以一乡之中。礼让彬彬。若此耶。抑非锐意修谱。又恶知贵先人之流风善行卓也。上世耶则近莫近於此。切莫切於此矣。士君子以身入世。纵不能乘长风破万里浪。亦当裨补於人心。世道以垂范。后世此谱一修。善者彰而。散者整进而上之。贵先人之循良节义、文学、忠孝、何不可突过乎。以视鄙陋之士。拥厚资雪天驾帐饮羔羊酒。手持竹管一枝。沉迷瞿粟以终身者。其裨补又当何如也。萍宿数日。秋雨一楼。棹为所阻。迹似快也而心未尝不陶然者。则以有甘乳岩之游。足扩耳目之观。修谱一事。深协予平昔。砥砺之鄙意也。

时

清光绪二十九年癸卯瓜秋月之吉

丁酉科

援贡銓选训导

眷晚生石侯氏

吴世杰盟手

拜书